

共拾冊

〇
↑
?

第 四 冊

21036

場所	備付	品目	年月日	製	年	月	日
					昭和		

H36
二-1
1

0 1 2 3 4 5 6 7 8 9 80 1 2 3 4 5 6 7 8 9 9

高橋善社
日本後

臣緒嗣

等討論綿書
集無有豪釐

明治十九年
八月點查章

H 36
二一
1

其來尚矣無有豪釐之庇咸載錄之炳戒
於是功罪微猷取以昭晰史之為用蓋如
斯歟伏惟前後 太上天皇一天兩日異
体同光並欽明文思濟世利物明害馬於
牧童得烹鮮於李老民俗未飽昭華薜蘿
早收渙汗弘仁十年 太上天皇敕大納
言正三位兼行左近衛大將陸奥出羽按

察使藤原朝臣冬嗣正三位行中納言兼
民部卿藤原朝臣緒嗣參議從四位上行
皇后宮大夫兼伊勢守藤原朝臣貞嗣參
議左衛門督從四位下兼守右大弁行近
江守良峯朝臣安世等監修撰集未了之
間三臣相尋薨逝緒嗣獨存後太上天
皇詔副左近衛大將從三位兼守權大納
言行民部卿清原真人夏野中納言從三
位兼行中務卿真世王參議正四位下守

右近衛大將兼行春宮大夫藤原朝臣吉
野參議從四位上守刑部卿小野朝臣岑
守從五位下勳七等行大外記兼記傳博
士坂上忌寸今繼從五位下行大外記嶋
田朝臣清田等續令修緝屬之讓祚日不
暇給今上陛下稟乾坤之秀氣含宇宙
之涵精受玉璽而光宅臨瑤圖而治平仁
孝自然聿修鴻基聖論重疊筆削遲延今
更詔左大臣正二位臣藤原朝臣緒嗣正

三位守右大臣兼行春宮傳左近衛大將
臣源朝臣常正三位行中納言臣藤原朝
臣吉野中納言從三位兼行左兵衛督陸
奧出羽按察使臣藤原朝臣良房參議民
部卿正四位下勳六等臣朝野宿祢鹿取
今遂功夫仍令前和泉守從五位下臣布
理宿祢高庭從五位下行大外記臣山田
宿祢古嗣等銓次其事以備釋文錯綜群
書撮其機要瑣詞細語不此錄搆先史後

綴叙已畢但事緣例行具載曹案今之取
撰弃而不取自延曆十一年正月丙辰迄
于天長十年二月乙卯上下四十二年勤
以成四十卷名曰日本後紀其次第列之
如左庶令後世視今猶今之視古臣等才
非司馬識異董狐代匠傷乎流行如漿謹
詣朝堂奉進以聞永和七年十二月九日

類聚日本後紀卷第一 自延曆十一年正月
桓武天皇諱山部光仁天皇第一御子母
皇太夫人高野氏新笠贈正一位乙繼朝
臣女也寶龜四年正月十四日立為皇太
子天應元年四月廿五日即位
申壬延曆十一年春正月丙辰朔 皇帝御大
極殿受朝賀 丁巳宴侍臣於前殿賜御
被 壬戌御南院宴五位已上賜祿有差
是日授位授從五位下內廐助和氣朝臣



④ H.36
=1
1

家麻呂從五位上 甲子 車駕巡覽諸
院於猪隈院令五位已上 射賜中者錢射
罷賜五位已上及內舍婦帛有差 己巳
先是藥物座出公卿詣闕上表云々 壬
申幸南院視射 乙亥遊獵于登勤野獵
罷臨葛野川賜從臣酒 戊寅山背國地
四十町賜大納言紀船守 壬午地震
癸未大納言正三位藤原朝臣小黑麻呂
奉獻五位以上及藤原氏六位已上賜物

有差 甲申白氣貫日 此月沙門施曉
奏曰竊以真理無二帝道惟一敷化之門
雖異覆載之功乃同故衛護萬邦唯資於
佛化弘隆三寶靡非帝功又夫沙門釋子
三界旅人離家離鄉無親無族或坐山林
而求道或蔭松柏而思禪雖有避世出塵
之操不忘護國利人々行而糧粒罕得飢
餓常功伏望本列國分之供分給彼所然
則緇徒得不虞而修聖恩有弗督而化制

可又奏曰山背之民秦氏及女某等三十
一人自去寶龜三年迄今每歲春秋悔過
倏練其精誠寔可憐伏願天慈賜度又旌
善之一化也制可

二月丙戌朔 皇帝御大極殿聽朝禮也

丁亥任官以參議正四位上征夷大將
軍紀朝臣古佐美為兼但馬守參議從四
位上右大弁石川朝臣真守為兼大和守
從五位上內廐助和氣朝臣家麻呂為兼

義濃守 辛卯遊獵於水生野 壬辰宴

侍臣賜物有差 乙未任官以正五位下

治部少輔菅野朝臣真道為治部大輔從

五位下藤原朝臣仲成為出羽守 庚子

伊豫親王冠 癸卯遊獵于大原野 壬

子遊獵于栗前野獵罷御右大臣藤原朝

臣是公別業賜物有差 癸丑率諸衛府

守平城舊宮 甲寅巡幸京中御兵部大

輔從四位下藤原乙叡弟宴飲奏樂又右

大臣繼繩獻布帛賜從官有差大臣孫正
六位上諸主授從五位下

三月丁巳辛南園禊飲 乙丑行幸相谷

壬申流內膳奉膳正六位上安曇宿禰

繼成於依渡國初安曇高橋二氏常爭供

奉神事行立前後是以去年十一月新嘗

之日有 勅以高橋氏為前而繼成不遵

詔旨背職出去憲司請誅之特有恩旨以

減死 乙亥美作國獻白雉 戊寅曲宴

賜五位以上錢有差 是日造伊勢國天

照太神宮以遭失火也

夏四月丙戌大納言紀朝臣船守薨船守

者贈太政大臣諸人長子 或云紀角宿禰

位下穰 天平三年辛未生天平寶字年中

取男 越衆仕授力八年大師押勝謀反 高野

天皇遣使收中院鈴印押勝聞之令其子

訓儒麻呂等奪之 天皇遣使射殺之于

特授力從七位下船守令射殺之依此功

授從五位下勳五等神護慶雲二年十一月
巳亥為檢校兵庫軍監三年三月戊寅
兼紀伊公四年八月丁巳遷紀伊守寶龜
二年閏三月戊子朔兼但馬公十一月丁
亥加從五位上五年兼內廐助六年九月
戊午為近衛貞外少將八年正月戊寅歷
土佐守九年十二月庚子為近衛少將十
年正月癸丑授正五位上十一年九月癸
卯加從四位下天應元年四月癸卯叙從

四位上五月乙丑為近衛權中將六月廿
七日甲寅任參議十月丁卯兼內藏頭延
曆四年十一月一日任中納言二十五日
除近衛大將十年正月十六日并大納言
薨時年六十二 天皇甚哀悼不視事明
日 詔贈正二位右大臣 乙巳任官以
正四位上征夷大將軍紀朝臣古佐美為
兼右衛門督參議從四位上石川朝臣真
守為兼左京大夫參議從四位下大中臣

朝臣諸魚為近衛大將參議從四位下藤
原朝臣雄友為大藏卿從四位下中務大
輔藤原朝臣真友為兼右京大夫從四位
下兵部大輔藤原朝臣乙叡為右兵衛督
是日勅近衛中衛兩府大將元從四位
上官也云天平神護元年改為正三位宜
依舊為從四位上官 己酉曲宴賜五位
以上帛有差
五月己未停馬射以頻年有旱災也 甲

子唐女季自然授從五位下大春日淨足
之妻也淨足入唐娶自然為妻皈朝之日
相隨而來 庚午幸葛野川使御右大臣
藤原朝臣繼繩別業

六月甲申朔寒人或着絮 丙戌任官以
從四位下左兵衛督藤原朝臣內麻呂為
刑部卿正五位下治部大輔菅野朝臣真
道為民部大輔 戊子奉幣於畿內名神
以皇太子病也 癸巳皇太子久病卜之

崇道天皇為崇遣諸陵頭諸使主等於淡
路國奉謝其靈 庚子 勅去延曆九年
令淡路國葬其親王 崇道天皇 守冢一烟兼隨
近都司專當其事兩不存警衛致令有崇
自今以後冢下墳隍勿使濫穢 乙巳雷
雨潦水滂沱式部省南門為之倒仆
秋七月乙卯太政官府 一齋內親王禊
用度事右內親王行禊之日依例神郡供
給及儲雜物宜停止之仍齋宮寮每事儲

之其供給料稻二百四十束春備正稅運
送寮家但夫并馬依永前例神郡行之
一齋宮年料乾葛事 右葛依例令輸神
郡百姓取進三千斤而百姓等申云調庸
雜徭之外輸件乾葛艱辛殊深者宜停輸
葛寮差神戶令芥其糧食料宛用正稅以
前被右大臣藤原朝臣繼繩宣備奉 勅
如右者寮依件施行自今以後永為恒例
戊午禁乘枣橘鞍但舊者申所司燒印

用之 丁丑曲宴賜五位以上衣 己卯
太政官府應禁斷兩京僭奢喪儀事右被
右大臣宣備奉 勅送終之禮必從省要
如聞豪富之室市郭之人猶競奢靡不遵
典法遂敢妄結隊但假設幡幢諸如此類
不可勝言貴賤既無等差資財空爲頓耗
既窳之後酣醉而歸非唯虧損風教實亦
深蠹公私宜令所司嚴加捉搦自今以後
勿使更然其有官司相知故縱者與所犯

人並科違勅罪仍於所在條坊及要路明
加條示

八月丙戌禁葬理山城國深草山西面緣
近京城也 辛卯大雨洪水 癸巳幸赤
目埼覽洪水 甲午遣使賑贍百姓以遇
水害也 己亥曲宴賜五位以上帛有差
九月丙辰曲宴賜五位以上物有差 辛
酉遊獵于大原野 癸酉遊獵于粟前野
賜五位以上衣被 丁丑遊獵于登勒野

已卯任官以從五位上迎江守紀朝臣
梶長為兵部少輔 庚辰遊獵于交野
冬十月癸未朔陸奧國俘囚二人叙外從
五位下懷外虜也 甲申參議從四位上
大伴宿祢潔足卒年七十七潔足者參議
從三位兄麻呂之子天平寶字八年正月
授從五位下為刑部少輔天平神護三年
七月庚戌為大判事八月戊子任回幡
神護景雲四年八月丁巳迎回幡守寶龜

二年十一月戊申叙從五位上庚戌加正
五位下三年四月庚午除治部大輔七年
三月癸巳兼播磨守十一年正月癸酉至
正五位上四月甲寅任左兵衛督天應元
年五月癸未歷美濃守延曆二年正月癸巳
授從四位下四年正月辛未為兵部大補
八月丙子拜近衛中將十月甲子除大藏
卿六年正月壬辰叙從四位上七年三月
己巳為右衛士督九年二月甲午任參議

三月壬戌兼兵部卿 乙未遊獵于大原
野 丁未停相模國獻橘伊豫國獻瓜以
路遠也 庚戌勅班京畿百姓田者男分
依令給之以其餘給女其奴婢者不在給
限
十一月壬子朔日有蝕之 癸丑聽捨故
入唐大使贈正二位藤原朝臣清河家為
寺号曰齊恩院
閏月壬午朔新彈例八十三條賜彈正臺

文多不載是日任官 癸未遊獵于水生
野 乙酉多治比子姉卒參議大中臣諸
魚母也先是諸魚進家譜云中臣朝臣任
神祇伯者是天照大神神主也累世相承
遭喪不解者 勅雖不射喪紀不可供神
事宜令修其服 戊子巡幸諸院還宮賜
從官祿有差 庚寅遊獵于葛葉野 壬
辰 勅令聞畿内百姓新詐多端或競增
戶口或浪加生年宜勘真偽乃給其田若

致踈畧處以重科是日伊豫國獻白鹿
丁酉遊獵于大原野日暮還宮賜五位以
上綿有差 巳亥幸高橋津使遊獵于石
作丘 辛丑 勅明經之徒不可習音
聲誦讀既致訛謬熟習漢音 乙巳遊獵
于登勒野 巳酉征東大使大伴乙麻呂
辭見
十二月以從五位下出羽守藤原朝臣仲
成為出雲守 是歲田一千畝納梵釋寺

梵教寺者延曆五年正月創于近列志賀郡桓武之為儲王時也藤原百川見天日表欲令繼鴻業作等身梵天帝教像深誓願禱之即位之後百川特奏建之
延曆十二年春正月庚辰朔 皇帝御大

極殿受朝賀宴侍臣於前殿賜被 壬午
宴飲賜五位以上物有差 乙酉 勅惟
王建國制軒冕而旌賢惟帝念功設爵賞
以御象用能翼亮洪基弼諧鼎業詳觀列
代咸皆由之省去神龜五年奏五位已上
子孫累世之冠蓋及明經秀才堪為儒者

即叙內位自餘先叙外從積勞入內其外
位令撮位田賻物者給內位之半女減三分之一
蔭子之階正五位嫡子從八位上庶子大
初位上從五位嫡子從八位下庶子大初
位下並補大舍人不任內舍人位分資人
正五位五人從五位四人女並是取以分
別內外差降品秩也其自外入內叙當位
之階則優昇超次僉議未允至於行刑之
日不聽辭款論子之科不須蔭贖則貶抑

過甚有乖條例如此事類往往不穩夫五
位者班列大夫蔭及子孫朝廷攸重人望
斯在而勞級雖貴禮數猶卑褒德勸人豈
令如此古人有言爵不尊祿不重者不可
與圖難祀危以其道未可求之也宜不穩
言條並從除去但位田位祿賻物之數蔭
階資人因條前例主者施行 丙戌宴五
位以上奏樂賜祿有差是日叙位參議正
四位上神王參議正四位上紀朝臣古佐

美並授從三位從五位上美濃公和氣朝
臣家麻呂從五位上兵部少輔紀朝臣梶
長並正五位上甲午遣大納言藤原小
黑麻呂左大弁紀古佐美等相山背國葛
野郡宇大村之地為遷都也沙門賢瑠亦
奉勅相之乙未宴五位已上賜祿有
差庚子遷御於東院緣壞宮也甲辰
講淳和天皇奉獻曲宴從五位上藤原朝臣
繩主授正五位下正六位上扱茂連濱主

外從五位下其供事五位以上賜祿有差
乙巳任官以參議正四位下壹志濃王
為兼越前守從五位下少納言秋篠朝臣
安人為兼丹波公從五位下侍從藤原朝
臣緒嗣為中衛少將緒嗣者贈太政大臣
正一位百川長子母從三位伊勢大津女
寶字五年甲寅生延曆七年二月三日喚
緒嗣於殿上令加冠焉時年十七其幞頭
中子皆是乘輿取徹也即授正六位神

內舍人賜劔 勅曰汝父取獻之劔也汝
父壽詞于今未忘每想像不覺淚下今以
賜汝宜莫失焉尋封百五十戶延曆十年
二月甲辰叙從五位下四月任侍從 丙
午大納言正三位藤原朝臣小黑麻呂奉
獻賜五位以上祿有差

二月辛亥遣參議治部卿壹志濃王等告
近都於賀茂大神 壬子高津內親王奉
獻曲宴外從五位下雲飛宿禰淨永正六

位上坂上大宿禰廣人授從五位下以親
王外親也五位以上賜衣 癸丑遊獵于
栗前野便御伊豫親王庄親王及山背國
司等奉獻五位以上賜衣被 己未大學
寮言云々供物全躰令進祭庭一依礼法
許之 壬戌遊獵于水生野 丙寅改征
東使為征夷使 己巳任官任僧綱以大
納言正三位藤原朝臣小黑麻呂為兼民
部卿正五位上美濃公和氣朝臣家麻呂

爲兼治部大輔 庚午征夷副使近衛少
將坂上田村麻呂辭見 乙亥皇太子奉
獻諸王及藤原諸親等奏雅樂賜物有差
丁丑右大臣從二位藤原朝臣繼繩奉
獻宴飲奏樂

三月己卯朔幸葛野巡覽新京 乙酉新
京宮城之內百姓地四十四町給三年價
直 丁亥太政官府應停撰律職爲國司
事右被右大臣宣依奉 勅難波大宮既

停宜改職名爲國其二季祿及月料並從
停止 戊子遣參議壹志濃王等奉幣於
伊勢太神宮告以遷都之由 庚寅令五
位以上及諸司主典以上進役夫築新京
宮城 癸卯告都由於山陵 山階先田
原後田原
己酉正親大令史正六位上多治比真人
弥高散位從六位上櫻嶋部石守並除名
以弥高監主取官物石守投送名書也
此月以參議從四位上石川朝臣真守爲

大宰大貳

夏四月庚戌正五位上治部大補和氣朝

臣家麻呂授從四位下 辛亥幸葛野便

幸右大臣別業 乙卯宴五位以上賜祿

有差 戊午曲宴賜參議以上衣 丙子

制自今以後年分度者非習漢音勿令得

度

五月戊寅曲宴賜五位已上物有差 辛

巳任官以從四位下治部大補和氣朝臣

家麻呂為兼大和守從四位下左兵衛督

藤原朝臣乙叡為左京大夫正五位上兵

部少輔紀朝臣梶長為兵部大補藤原朝

臣藤嗣為常陸掾

六月乙卯祈雨 己巳炎旱經日 丙寅

賜五位已上錢有差 庚午令諸國造新

宮諸門云々 此月參議正四位下壹志

濃王授從三位

秋七月丁丑朔曲宴賜侍臣衣 癸未御

馬場殿觀相撲 辛卯 勅葛野郡百姓
口分田多入都中宜停山背國雜色田班
給百姓其代於四畿內量又神田以便郡
田宛之但寺田准舊例莫宛其代 乙未
遊獵于大原野 辛丑 巡覽新宮賜造宮
便及將領衣
八月癸丑翫蓮業宴飲奏樂賜祿 壬戌
任官 丁卯 遊獵于大原野還御賜五位
已上衣 是夜內舍人山邊真人春日春

宮坊帶刀舍人紀朝臣國共謀殺帶刀舍
人佐伯宿祢成人明日事覺春日等即逃
隱 帝大怒募求天下後伊勢國補之以
聞遣左衛士佐從五位上巨勢朝臣嶋人
格殺或曰春日兼皇太子密旨 戊辰 逆
送筑前國那賀郡人三宅連真繼於本鄉
莫聽入京以其在京中屢有濫行也 庚
午衛門府門部壬生年登西闕自絞死時
人不知其故 壬申 車駕巡覽京中御

左京大夫從四位下藤原朝臣乙叡園池
賜四位已上衣日暮還宮 甲戌遊獵于
葛野御右大臣藤原朝臣繼繩別業賜侍
臣及大臣子弟衣

九月戊寅遣菅野真道藤原葛野麻呂等
班給新京宅地 癸未遊獵于大原野
丙戌 詔曰云々見任大臣良家子孫許
娶三世以下但藤原氏者累代相承撰政
不絕以此論云不可因等殊可聽聚二世

以下者云々 戊戌遊獵於栗前野便御
伊豫親王江亭親王左衛士督從四位下
藤原朝臣雄友等奉獻親王及雄友子弟
賜衣 庚子遊獵于瑞野
冬十月丙午朔日有蝕之 辛亥四世王
深草歛夫據律令斬 勅降死流隱岐國
乙丑曲宴賜五位以上祿有差
十一月丁丑巡覽新京御右大臣從二位
藤原朝臣繼繩庄賜五位以上衣 庚辰

遊獵於葛野 乙酉遊獵于交野右大臣從二位藤原朝臣繼繩獻楷衣給五位已上及命婦采女等 辛丑遊獵于粟倉野 此月沙門賢憬寂壽八十九賢憬世姓荒田氏尾刈人也妙年出家受唯識于興福寺宣教天平勝宝七年東大寺戒壇成鑑真行錫磨法憬為受者是本朝登壇受戒之始也性耐苦勵勒修不倦剥皮然指兼有才識

十二月辛亥有水鳥入大政官曹獲之甲寅遊獵於瑞野 壬戌 勅長岡京百姓宅地價直不可悔返云々 癸亥遊置屋野左大弁從三位紀朝臣古佐美右兵衛督從四位下紀朝臣木律魚奉獻賜侍臣以上物有差

戊甲

延曆十三年春正月乙亥朔廢朝以宮殿始壞也賜征夷大將軍大伴弟麻呂節刀丙子宴侍臣賜祿有差 乙丑任官

辛巳叙位授參議從四位上石川朝臣真
守正四位下參議從四位下大中臣諸魚
參議從四位下藤原朝臣雄友並從四位
上正五位上兵部大輔紀朝臣梶長從四
位下正五位下民部大輔菅野朝臣真道
正五位上從五位下左少弁藤原朝臣葛
野麻呂從五位上藤原朝臣貞嗣從五位
下癸未有雉集主鷹司垣上庚寅宴
五位以上賜祿有差是日告征夷事於山

陵山階田原辛卯遣參議大中臣諸魚奉幣

於伊勢大神宮為征蝦夷也甲午右大

臣從二位藤原朝臣繼繩奉獻奏樂賜五

位以上衣被乙未觀射於東埦殿己

亥遊獵于栗前野庚子遊獵于瑞野是

日大雪

二月丙辰遊獵于葛野乙丑宴五位以

上賜物有差戊辰任官以參議從四位

上大中臣朝臣諸魚為兵部卿從四位下

兵部大輔紀朝臣梶長為式部大輔從五位上右少弁藤原朝臣葛野麻呂為兼春宮亮 庚午遊獵于水生野
三月丁丑遊獵于大原野 庚寅以多治比真人今麻呂為大判事 壬辰以從五位上春宮亮藤原朝臣葛野麻呂為兼左少弁大判事多治比真人今麻呂為式部少丞 戊寅僧都傳燈大法師位等定等於豐前國八幡筑前國宗像肥後國阿蘇

三神社讀經為三神度七人

夏四月癸卯朔日有蝕之 庚午巡覽新

京還御右大臣從二位藤原朝臣繼繩高

橋津庄宴飲賜五位以上衣

五月乙未甲斐國獻白鳥 乙亥皇太子

妃美帶能子忽有病移于院頓逝

六月甲寅地震副將軍坂上大宿祢田村

麻呂以下征蝦夷 癸亥任官 丙子發

諸國夫五千掃新宮

秋七月辛未朔遷東西市於新京且造廬
舍且近市人此日大納言正三位勳二等
藤原小黑麻呂薨年六十二贈從二位小
黑麻呂者贈太政大臣房前之孫從五位
下鳥養二男母正四位下伴宿祢道足女
天平寶字八年十月丙寅授從五位下甲
戌任伊勢守天平神護三年三月己巳為
式部少輔神護景雲二年二月任安藝守
四年九月為中衛少將寶龜元年十月己

丑叙從五位上二年正月辛巳加正五位
下閏三月戊子兼美濃守六年十一月除
左京大夫七年三月癸巳任右衛士督八
年三月辛巳歷出雲守十月辛卯兼常陸
守九年正月癸亥叙從四位上十年十二
月九日任參議十二年八月九日征伐
事畢入朝叙正三位依征伐功也延曆三
年正月廿一日任中納言七年七月庚午
為兼皇后宮大夫九年二月九日并大納

言 已卯以山背河內提津播磨等國稻
一萬一千束賜從五位百濟王明信從四
位上五百井女王從五位下置始女王從
四位上和氣朝臣廣虫日幡國造淨成等
十五人為作新京家也 庚辰震于宮中
并京畿官舍及人家或有震死者 此月
授正五位上民部大輔菅野朝臣真道從
四位下
八月乙巳安房國疫 庚戌遊獵于大原

野 癸丑右大臣從二位兼行皇太子傳
中衛大將藤原朝臣繼繩等奉 勅修國
史成詣闕并表曰臣聞黃軒御曆須誦提
其史官有周闕基伯陽司其筆削故墳典
斯闡步驟之蹤可尋載籍聿典勸沮之議
允備暨乎班馬造趣述實錄於西京范謝
分門宣正詞於東漢莫不表言旌事播百
王之道猷昭德塞違垂千祀之煥光史籍
之日蓋大矣哉伏惟 聖朝求道慕極貫

三才而君臨就日均明掩八紘而光宅遠
安迹樂文軌取以大同歲稔時和幽顯於
焉提福可謂英聲冠於晉陸懿德跨於勳
華者焉而負宸高居疑旒廣慮修國史之
隆業神帝典之親文受命臣與正五位
上行民部卿兼皇太子學士在兵衛佐伊
豫守臣菅野朝臣真道收納言從五位下
兼右兵衛佐行丹波今臣秋篠朝臣安人
等銓次其事以繼先典若大襲山肇基以

降淨原御寓之前神代草昧之功徃帝庇
民之略前史著粲然可知除自文武天皇
訖于聖武皇帝記註不昧餘烈存焉但自
寶字至于寶龜廢帝受禪疑遺風於簡策
南朝登祚闕茂實於從誦是以故中納言
從三位兼兵部卿石川朝臣名足主計頭
從五位下上毛野公大川等奉詔編輯
合成二十卷唯存案牘類無綱紀臣等更
奉天勅重以討編芟其蕪穢以撮機要

據其遺逸以補闕漏刊彼此之枝格矯首
尾之差違至如時節恒事若有司存一切
詔詞非可為訓觸類而長其例已多今之
取修并取不取若蕃國入朝非帝制勅詔
關声教理既勸懲槩而書之以備故實勒
成一十四卷繫於前史之末其日如左臣
等學謝研精詞慙質辨奉 詔淹歲伏深
戰兢有 勅藏于秘府 丙辰遊獵于大
原野

九月癸酉令天下諸國三日之內禁斷殺
生以誼仁王經也 乙酉任官 壬辰遊
獵于交野 戊戌奉幣帛於諸國名神以
以遷于旧都及欲征蝦夷也 己亥請百
法師誦仁王經於新宮
冬十月甲辰任裝束司次第司以狩幸新
京也 庚戌越前國人船本直安麻呂言
父外從五位下馬養為供公事設石一千
斛而未遂其志不幸早亡伏望所設之物

供造宮料七父之情泉壤有悅許之
壬子遊獵于交野賜百濟王等物
辛酉

車駕迁于新京 甲子造宮使及 山背國

奉獻賜五位已上衣被并笠及產業器物

詔曰云々 乙丑近江國獻物 丙寅

撰津河内二國獻物 丁卯征夷將軍大

伴弟麻呂奏斬首四百五十七級捕虜百

五十人獲馬八十五疋燒落七十五處是

日鴨松尾神加階以迁都也 此日授位

任官授右大臣從二位藤原朝臣繼繩正

二位參議從三位純朝臣右佐卷正二位

參議從四位下大中臣朝臣諸魚正四位

下從五位下左少弁藤原朝臣葛野麻呂

正五位下參議正三位紀朝臣古伏美參

議從三位神王並為中納言參議從三位

壹志濃王為中納言即兼治部卿從四位

下左兵衛督藤原朝臣内麻呂從四位下

右京大夫藤原朝臣真友從四位下左京

大夫藤原朝臣乙叡並為參議 此日遷
都 詔曰云々葛野乃大宮地者山川毛
麓久四方國乃百姓乃參出來事毛便之
云云 己巳和泉國獻物
十一月辛未遊獵于北畠 丙子 詔曰
古之王者教學為先云云去天平實字元
年所置大學寮田九町生徒稍象不足供
費宜更加置越前國水田一百二町通前
一百九餘町名曰勸學田云云 丁丑

詔曰云々山勢實合前聞云々此國山河
襟帶自然作城曰斯形勝可制新号宜改
山背國為山城國又子來之民謳歌之輦
異口同辭号曰平安京又近江國滋賀郡
古津者 先帝舊都今接輦下可追昔号
改称大津云々 戊寅遊獵于康樂畠
己卯伊勢義作兩國獻物 丙戌義作但
馬二國獻物 戊戌播磨國獻物 乙未
左京人海上真人真直下獄死真直古大

宰少貳從五位上三狩之男以宿怨殺父
妾婢一人

十二月辛丑齋宮寮獻物曲宴正六位上
三嶋真人年繼齋內親王乳母無位朝原
忌寸大刀自授從五位下 丙午越前國
獻物 庚戌迂置山城國乙訓社佛像於
大原寺初西山採薪人休息此社便刻木
成佛像稱有神驗象庶會集驚耳目故迂
丙辰遊獵于大原野 己未大政官府

應禁斷犢皮鞮右被右大臣宣休奉 勅
牛之為用在國切要負重致遠其功實多
今聞無賴之流爭事驕多殺剝班犢競用
鞮鞢及胡錄等之具為幣尤甚莫須禁絕
若有違犯科違勅罪主司阿容亦與同罪
庚申幸賀茂社 癸亥遊獵于山階野
類聚日本後紀卷一終

類聚日本後記卷二

自延曆十四年至同十一年

乙延曆十四年春正月庚午朔廢朝以大極

殿未成也宴侍臣於前殿奏大歌及雅樂

宴畢賜被 丙子宴群臣賜束帛有卷

乙酉宴侍臣奏踏歌曰山城顯樂曰耒傳

帝宅新成最可憐郊野通平千里望山河

擅美四周連 新京樂平安樂 冲襟乃春八

方中不日爰開億載宮壯庸載規傳不朽

平安作号 駿无窮 新年樂平安 新年正月

未出土万年春

北辰來滿宇詔光幾處開肅質佳人伴春

色分行連袂儔皇垓新年示平安早高詠

澤洽歡情中外會和滿頌聲今日新京大

平樂年々長奉我皇庭新京樂平安賜五

位已上物有差戊戌征夷大將軍大伴

弟麻呂朝見進節刀此月以中納言正

三位紀朝臣古佐美為兼式部口參議正

四位下大宰大貳石川朝臣真守為兼下

總守

二月庚子任官以參議從四位下左京大

夫藤原朝臣乙叡為兼侍從即為山城守

從四位下左中弁藤原朝臣繩主為式部

大輔正五位下左少弁藤原朝臣葛野麻

呂為右中弁紀朝臣廣濱為長門公從五

位下鎮守府將軍兼陸奧公巨勢朝臣野

足授正五位下乙巳詔曰云々征夷

將軍以下加爵級丁巳任官以參議正

四位下大中臣朝臣諸魚為兼左大弁參

議從四位下藤原朝臣乙叡為兼左馬頭
參議從四位下藤原朝臣真友為兼下總
守從四位下治部大輔和氣朝臣家麻呂
為兼相摸守從四位下式部大輔紀朝臣
梶長為右中弁兼衛門督從四位下民部
大輔菅野朝臣真道為左兵衛督內舍人
藤原朝臣道雄為大學大允三緒朝臣綿
麻呂授從五位下 乙丑伊豫親王奉物
飲宴奏樂五位已上賜綿

三月辛未 勅重禁私養鷹 癸未獵于
日野賜五位已上衣 甲午遊獵于文野
此月以參議從四位下兼刑部口藤原朝
臣內麻呂為兼陰陽頭
夏四月戊戌朔日有蝕之先是信濃國分
正六位上石川朝臣清全為人被射而不
中遣從五位下藤原朝臣都麻呂等勘搜
射人不得其跡更遣衛門依大伴宿禰是
成推尚小縣郡人之妻舍人望足眼焉流

讚收國 戊申曲宴 天皇誦古歌曰以
迺之弊能々郡何淳流弥知阿良多米彼
阿良多麻良武也能那賀淳流弥知 勅
尚侍從三位百濟王明信令和之不得成
焉 天皇自代和田記美已蘓波和主黎
多魯羅末余記多麻乃多和也和礼波都
称乃詩羅多麻侍臣称万歲 辛亥伊豫
國獻物 庚申 勅云々去延曆四年
制多乘法云々落髮隨俗本為修道而淫

監如此還傷佛教非從穢法門了所乱國
典僧綱率而正之不得更然 甲子太政
官府禁凡下百姓將田宅園地賣買与寺
事故案田令云凡官人百姓並不得將田
宅園地捨施及賣易与寺又天平十八年
五月九日府你諸寺競買百姓墾田園地
永為寺地宜加禁斷不得為然如有違犯
者賣買人並依法科罪又延曆二年六月
十日府你自今已後私立道場及將田宅

園地捨施并賣買易与寺主典已上解却
見任自餘不論蔭贖决杖八十官司知而
不禁者亦同罪者被右大臣宣休奉勅
如闻或寺詐附他名實入寺家如此之類
徃々而在前後雖禁違犯猶多此而不肅
豈曰皇憲宜其承前施捨賣買易田宅園
地子細勘録附使申上自今已後復有此
類咸皆没官以懲將來此月授正五位
下右中弁藤原葛野麻呂從五位下

五月丁卯朔任官 己巳右京人上毛野
兄國女流土佐國以自称諸天妖言惑衆
也 辛未御馬場殿觀騎射 壬申筑前
國高良神奉授從五位下 乙亥太政官
府忘以衛府舍人任主政主帳事右被右
大臣宣休奉勅衛府舍人係望軍毅今
廢兵士其望已絕若有巧書管者宜用主
政主帳 丙子配流囚大伴部阿弓良等
妻子親族六十餘人於日向國以殺俘囚

外從五位下失於夏部真麻呂父子二人也
己卯造宮使主典以下將領已上一百卅九人各隨其功叙位
庚辰令正五位下文室八多麻呂等十八人
遷守長岡田宮
六月丙申周防國田百町山八百町賜蒞田親王
己酉 勅自今已後左右大舍人以蔭子孫補之
其位子者依人以容止
端正工於書管者神之不得妄以雜色及

幾外人補之 庚戌幸近東院 壬戌幸于大原野

秋七月丁丑巡幸京中 戊寅幸佐比津
辛巳唐人等五人授官以優遠蕃人也
癸未曲阜賜五位以上物有差是日遣使七大寺檢校常住見僧尼
辛卯遣左兵衛佐橘人居檢近江若狹兩國驛路
此日任官參議正四位下大宰大貳石川朝臣真守授正四位上以後四位下右中

弁兼春宮亮藤原朝臣葛野麻呂為左中
弁從五位下三緒綿麻呂為右大舍人助
乙巳大政官府官家功德分封但事右
被右大臣宣你奉 勅件封祖物自今以
後停止進官依例收納 丙申任畿內七
道巡察使 辛丑幸大堰
閏七月乙巳大風官舍京中屋破壞 已
酉 詔云云雜具宜以卅日為法 辛亥
廢置驛路 太政官府應建置倉院事右

被右大臣宣你奉 勅如聞諸國建郡元
置一處百姓之居去郡僻遠跋涉山川有
受納責加以倉舍比近薨宇相接一倉失
火百倉共燒言念其弊有損公私宜須每
鄉置一院以得百姓兼絕大祥始自今年
所輪租稅收納新院但前所納郡家不動
物者依旧莫動其用盡倉者漸還新院置
倉之法一依延曆十年府各相去十大量
便置之 乙卯 勅云自今以後身死百

姓所負官物稻不可除免

八月丁卯幸大堰 己巳遊獵于柏原野

辛未鎮守府將軍百濟王後哲卒

甲戌刑部省言斷決囚徒令有正文順時

肅殺不合虧違今檢前例或過秋分節延

入立春或輕罪之徒禁經歲月既乖法式

都無准的伏請依令條流罪者不待旦斷

其死刑者亦待秋分年終斷奏許之 己

卯廢近江國相坂刻 庚辰遊獵于大原

野 壬午幸于北野越中國高瀨神雄神

二上神叙從五位上 癸未幸朝堂院觀

通作 丙戌遊獵于柏原野 壬辰獵于

日野 癸巳曲宴賜五位以上綿有差

甲午大祓宮中及左右京畿內近江伊賀

伊勢國為奉伊勢太神宮裝束物也停止

巡察使

九月戊戌幸東院 己酉 詔曰真教有

為隆其業者人王法相無邊闡其要者佛

子朕位膺四大情存億兆導德齊禮雖遵
有國之規妙果勝因思弘無上之道是以
披山水名區革創禪院盡土木妙製莊饒
伽藍名曰梵釋寺仍置清行禪師十人三
緇在其中施近江國水田一百町下總國
食封五十戶越前國五十戶以充修理供
養立費取糞運邁馳驟永流正化時變陵
谷恒崇仁祠以茲良因普覃一切上奉七
廟臨宝畧而增尊下覃万邦登壽城而洽

慶皇基永固卜年無窮本枝事隆中外載
逸綿悞幽顯傍及懷生望慈雲而出迷途
仰惠日而趣覺路 辛亥太政官府應改
行建正倉院事右被右大臣宣休奉 勅
去閏七月十五日每鄉更建倉院之狀下
諸國畢追尋此事頗乖穩便今須彼此相
接比近之鄉於其中央同置一院村邑遙
阻絕隔之處宜量地便每鄉置之自餘之
事一依前府 乙卯以肥後國為大國

丙辰遊獵于登勒野 壬戌太白晝見
冬十月甲子朔遊獵于紫野 己卯幸于
交野以右大臣藤原朝臣繼繩別業為行
宮 乙酉 車駕還宮 辛卯遊獵栗栖
野迫衛將監從五位下住吉朝臣綱主授
從五位上 癸巳縫殿助板茂連演主或
部收暉和氣朝臣廣世有 勅特令兩人
帶劍
十一月丙申出羽國言渤海國使呂定琳

等六十八人漂着夷地 勅迂越後國依
例供給 戊午遊獵于大原野

十二月甲子巡幸京中 丙子聽參議已
上着白玉帶 辛巳巡幸京中 壬午免
流人令入京 癸未依渡權守吉備朝臣
泉移備中國 乙酉配淡路國不破內親
王移和泉國 己丑出軍諸國軍士三百
其人特宥死罪配陸奧國永為柵戶

丙子

延曆十五年春正月甲午朔 皇帝御大

極殿受朝賀石見國獻白萐長内國獻白
雉宴侍臣於前殿賜被 乙未曲宴賜五
位以上物有差 庚子授位參議從四位
下藤原朝臣内麻呂參議從四位下藤原
朝臣真夏並授從四位上從五位下丹波
夕秋篠朝臣安人從五位上以從四位下
右中弁兼右衛門督紀朝臣梶長為參議
即兼式部大浦是日宴五位已上賜束帛
有差 癸卯令伊与親王帶劔 甲辰遊

獵于芥川野 已酉宴五位已上賜物有
差 庚戌觀射 辛亥大射 癸丑遊獵
登勤野賜四位已上衣五位帖綿 壬子
任官以參議從四位下藤原朝臣内麻呂
為兼但馬守參議從四位下藤原朝臣乙
叡為兼伊与守從五位下中衛少將藤原
朝臣緒嗣為兼常陸少内廐頭從五位上
丹波夕秋篠朝臣安人為丹波守 戊午
任官以從五位下越後守坂上大宿祢田

叙從五位

村麻呂為陸奧出羽按察使兼陸奧守
辛酉遊獵于水生野賜五位已上被衣
二月癸亥朔宴侍臣賜物有差 庚午叙
位 甲戌幸于紫野 乙亥裔內親王欲
歸京造頓宮於大和國 丁丑遣使奉幣
伊勢太神宮以裔內親王退也 丁亥
勅南海道驛路迤遠使令難通因廢田路
通新道
三月壬辰任官參議從四位上藤原朝臣

內麻呂授正四位下以從四位下治部大
輔和氣朝臣家麻呂為參議以外記多朝
臣入鹿為式部少丞 癸巳遊獵于日野
丙申遣從五位上左少弁兼左兵衛佐
攝朝臣入居等迎裔內親王始賜主計主
稅二寮印也 庚子唐人賜姓 丁未任
官 庚戌令諸國奉武藝秀衆者 勅禁
祭北辰 乙卯巡覽朝堂及諸院御近東
院宴飲終日侍臣及諸衛等賜物有差

丁巳太政官府可勘定額寺資財并任三
細事右被右大臣宣你奉 勅諸國定額
寺資財者國司与三細檀越共檢校處分
其任三細者依檀越衆僧詰國司覆勘宛
任若寺家破壞及有餘犯失者推問所舉
衆僧檀越等依法科罪自今以後永為恒
例

夏四月丙寅宴庭酒酣 上乃歌曰氣左
乃阿沙氣奈呼登以非都留保登々擬須

伊万毛奈可奴加比登能綺久陪久 庚
午有鳥五六飛過大學寮其一落寮南門
前其形如鷄毛似隴背有斑毛人不知其
名也 辛未巡幸京中 乙亥右大舍人
白鳥村主得白魚於井中獻之任肥前史
生 丙子嘗 戊子渤海國遣使獻方物
其王為唐所滅也後以天之真宗豐祖父
天皇二年始建渤海國同和銅六年受唐
冊立其國 此月授從四位下左中弁藤

原朝臣葛野麻呂從四位上大學大允藤
原朝臣道雄從五位下

五月甲午遣吉備魚主於山陽道諸國索
捕賊 乙未於馬場殿觀騎射 壬寅大
兩洪水 丁未渤海國使呂定琳等還蕃
遣上野公御長廣岳式部大錄幸原秋成
等押送仍賜其王玺書曰 天皇敬問渤海
國王云々特寄給卅疋絕廿疋絲百約
綿二百屯以亥云々 今月定琳等還賜

沙金三百兩以亥永忠等

六月庚申任官以參議正四位下藤原朝
臣內麻呂為造東大寺長官參議從四位
下藤原朝臣乙叡為兼右衛門督參議從
四位下兼式部大輔紀朝臣梶長為兼右
兵衛督任美作守 壬戌水工允上道廣
成授外從五位下褒採備前國銀之功也
肥前國獻白萐 丁卯太政官府忘禁國
司使綱領郡司任意相替事右大臣 宣

你奉勅如聞諸國綱領郡司等任意相替
正身不參至于入罪競行囑託因此本部
國司等更進解狀云郡司等應替之由先
既申訖漏不申上過在國司者如此隱欺
虛實難悉加以在路稱故申條所由國司
不細勘知妄即改狀奸計之典亦在所由
此等之色尤宜禁制者諸國兼知不得更
然自今以後如有斯類者本部乃所由國
司与郡司同罪若有惡應相替者先具事

由申送推勘之旨令有指的 戊辰任官
以參議從四位下美作守紀朝臣梶長為
造東大寺長官從四位下左兵衛督菅野
朝臣真道為兼造宮亮從五位下中衛少
將兼常陸介藤原朝臣緒嗣為近衛佐從
五位下大學大允藤原朝臣道雄為兵部
少輔 乙亥幸葛野川
秋七月丙申御馬場殿觀相撲 戊戌幸
南院授位授參議從四位上藤原雄友正

四位下 乙巳右大臣正二位皇太子傳
藤原朝臣繼繩薨年七十 号桃園 右大臣 詔遣
參議繼兄等四人監護葬事又遣中納言
就第宣贈從一位別勅賜絕布錦等繼繩
者右大臣豐成之二男母從五位上路真
人山麻呂女神龜四年丁卯生天平宝字
七年正月廿七日叙從五位下八年正月
任信濃守同年八月為越前守天平神護
元年正月七日叙從五位上十一月叙正

五位下尋加從四位下二年三月任右大
弁七月廿二日任參議宝龜元年十一月
一日授從四位上二年正月十一日至正
四位下同年十一月十六日己巳加從三
位三年二月丁卯任大藏卿兼左兵衛督
十一年二月一日任中納言十二年五月
四日兼中務卿七月丁卯為左京大夫九
月戊午叙正三位延曆二年七月十九日
并大納言五年四月一日加從二位除民

部口六月丁卯築造東大寺長官同九年二月廿七日任右大臣十三年十月廿七日
至正二位傳云經歷文武之清班居端右
之重任之右曾司時就朝位謙恭自守雖
無才識得免世譏云々 辛亥 詔曰云
々肥後國阿蘇郡山上有詔其名神靈地
每故涸減二十余丈云々 丁巳中納言
正三位紀朝臣古佐美中納言從三位神
王並為大納言授參議正四位下近衛大

將大中臣朝臣諸魚正四位上參議從四
位下和氣朝臣家麻呂正四位下

八月己未朔日有蝕之 甲申大和國山

崩水溢東大寺墻垣倒頽 戊辰遣存兵

正尾張弓張造佐北川橋 己卯巡幸京

中始置正親司史生二員 癸未大藏省

災 丙戌遊獵于登勒野 丁亥以從五

位上丹波守秋篠朝臣安人為右少弁

九月己丑 勅云々非常之備不可暫闕

宜山城河內兩國使處置烽燧 己酉遊
獵于栗前野

冬十月癸丑遊獵于登勒野 己未御長
廣岳等飯自渤海國其王啓曰云々 壬
戌始置造酒司史生二人典藥史生四人
是日遊獵于大原野 癸亥遊獵于紫野
賜五位已上衣 丙寅遊獵于日野賜五
位已上衣 壬申先是渤海國王所上書
首尾不失禮群臣上表奉賀曰云々 癸

酉遊獵于登勒野 戊寅大政官府應令
春年料白米事右被大納言正三位紀朝
臣古佐美宣備奉 勅如聞諸國取春年
料白米或以古稻免或便春米納民之兼
弊率皆由是朝委之情豈令如之宜收納
之日即以取進正稅令春假令奉百束戶
春利十束然則百姓有息物亦無遺 甲
申任官以正五位下鎮守府將軍兼陸奧
女巨勢朝臣野足為兼下野守從五位下

陸奧出羽按察使坂上大宿祢田村麻呂
為兼鎮守府將軍先是諸四十僧一七日
於宮中行藥師悔過是日事畢 乙酉大
政官府准陸奧國博士醫師官位事右被
大納言正三位紀朝臣古佐美宣備奉
勅上件二司自今以後宜准少目
十一月戊子朔曲宴賜侍臣以上被 巳
丑遊獵于北野 乙未 詔制新錢為隆
平永寶 丁酉女叙位 庚子大政官府

應停止備前國進鑿鐵事右被大納言正
三位紀朝臣古佐美宣備奉 勅納貢之
本任於土宜物非取出民是為患今聞件
國元無鑿鐵每至貢調常買比國自今以
後宜停收鐵非給則系隨便輪 辛丑始
用新錢在伊勢賀茂松尾社施七大寺及
野寺 戊申遊獵于日野相摸武藏上總
常陸上野下野出羽越後等國民九千人
遷置陸奧國伊勢治城 己酉今天下諸

國搜捕逃亡飛彈工
丙辰遊獵于栗栖
野

十二月辛酉任官以參議正四位下藤原

朝臣雄友為兼大將是時參議大將兩人

也諸魚幸未巡幸京中便御三品朝原

內親王弟賜五位已上物 戊寅流出雲

臣家純於土佐國家純与叙父乙上不協

謀相傷事竟及罪乙上任佐渡權目不預

整勢唯給公解而已 丙戌 勅免流人

是歲冬創立東寺大中大夫藤原朝臣

伊勢人為造寺使伊勢人始建鞍馬寺伊勢

人歸佛心篤常曰安得勝地建道場安觀

音像延曆之間夢往城北之山有翁鬚

皤々告曰此地甲天下益無量中銘杵常出

五色雲汝營練若利益無量中銘杵常出

乎翁曰王城鎮守有舩明也裝鞍而末知

何處大夫有白馬常取騎也裝鞍語曰昔

摩騰法蘭載舍利像經白馬震且然者

白馬者靈畜也汝定知我夢地乃放馬從

一童子其馬向城北而去至一地宛如夢

草中童子還告此事大沙門我像創一地

中適於芽裏得毗沙門我像創一地宛如

故子鞍馬寺大果手其為我像觀音今像

只置天像願未果手其為我像觀音今像

六許告曰當知觀音多門名異體同覺後

解疑大夫後日又營一堂安觀自在像今
寺西觀音院是也

愛知県



1103231937